



AN COIMISIÚN
EORPACH

An Bhruiséil, 25.12.2020
COM(2020) 854 final

ANNEXES 1 to 3

IARSCRÍBHINNÍ

a ghabhann leis an

Togra le haghaidh

RIALACHÁN Ó PHARLAIMINT NA hEORPA AGUS ÓN gCOMHAIRLE

lena mbunaítear an Cúlchiste Coigeartaithe Brexit

IARSCRÍBHINN I

An modh leithdháilte chun an Cúlchiste Coigeartaithe Brexit a réamh-mhaoiniú

Leithdháilfear réamh-mhaoiniú an Chúlchiste Coigeartaithe Brexit ar na Ballstáit de réir na modheolaíochta seo a leanas:

1. Déantar sciar gach Ballstáit de réamh-mhaoiniú an Chúlchiste Coigeartaithe Brexit a chinneadh mar shuim fachtóra a ghabhann leis na héisc a ghabhtar in uiscí limistéar eacnamaíoch eisiach na Ríochta Aontaithe (EEZ) agus suim fachtóra a ghabhann le trádáil a dhéantar leis an Ríocht Aontaithe.
2. Úsáidtear an fachtóir a ghabhann le héisc a ghabhtar i limistéar eacnamaíoch eisiach na Ríochta Aontaithe chun EUR 600 milliún a leithdháileadh. Úsáidtear an fachtóir a ghabhann le trádáil chun EUR 3 400 milliún a leithdháileadh. Is i bpraghsanna 2018 a shloinntear an dá mhéid.
3. Déantar an fachtóir a ghabhann le hiascaigh a chinneadh ar bhonn an chritéir seo a leanas agus trí na céimeanna seo a leanas a chur i bhfeidhm:
 - a) sciar gach Ballstáit de luach iomlán na n-iasc a ghabhtar i limistéar eacnamaíoch eisiach na Ríochta Aontaithe;
 - b) méadófar na sciartha sin le haghaidh na mBallstát ag a bhfuil iascaigh atá ag brath ar leibhéal os cionn an mheáin ar na héisc a ghabhtar i limistéar eacnamaíoch eisiach na Ríochta Aontaithe agus laghdófar na sciartha le haghaidh na mBallstát atá ag brath ar leibhéal faoin meán mar seo a leanas:
 - (i) le haghaidh gach Ballstáit, is mar innéacs de mheán an Aontais Eorpaigh (innéacs spleáchais) a shloinntear luach na n-iasc a ghabhtar i limistéar eacnamaíoch eisiach na Ríochta Aontaithe mar chéatadán de luach iomlán na n-iasc a ghabhfaidh an Ballstát sin;
 - (ii) déantar sciar tosaigh luach na n-iasc a ghabhtar i limistéar eacnamaíoch eisiach na Ríochta Aontaithe a choigeartú tríd an luach sin a iolrú faoi innéacs spleáchais an Bhallstáit;
 - (iii) déantar na sciartha coigeartaithe sin a athscálú chun a áirithiú go bhfuil suim sciartha gach Ballstát cothrom le 100 %.
4. Faightear an fachtóir a ghabhann le trádáil trí na céimeanna seo a leanas a chur i bhfeidhm:
 - a) sloinntear trádáil gach Ballstáit leis an Ríocht Aontaithe mar sciar de thrádáil an Aontais Eorpaigh leis an Ríocht Aontaithe (is éard atá i dtrádáil suim allmhairí agus onnmhairí na n-earraí agus na seirbhísí);
 - b) chun tábhacht choibhéiseach na sreafaí trádála sin a mheasúnú le haghaidh gach Ballstáit, sloinntear suim na sreafaí trádála leis an Ríocht Aontaithe mar chéatadán de OTI an Bhallstáit agus dá éis sin sloinntear an tsuim mar innéacs de mheán an Aontais Eorpaigh (innéacs spleáchais);
 - c) déantar sciar na trádála leis an Ríocht Aontaithe a choigeartú tríd an sciar sin a iolrú faoi innéacs spleáchais an Bhallstáit;
 - d) déantar na sciartha coigeartaithe sin a athscálú chun a áirithiú go bhfuil suim sciartha gach Ballstát cothrom le 100 %;

- e) na sciartha a fhaightear ar an tslí sin coigeartaítear iad trína roinnt ar OIN *per capita* an Bhallstáit (arna thomhas i bpaireachtaí cumhachta ceannaigh) arna shloinneadh mar chéatadán de mheán-OIN *per capita* an Aontais Eorpaigh (meán arna shloinneadh mar 100 %);
- f) déantar na sciartha coigeartaithe a athscálú chun a áirithiú go bhfuil suim na sciartha cothrom le 100 %, lena n-áirítear nach mbeidh sciar níos airde ná 25 % d'iomlán an Aontais Eorpaigh ag aon Bhallstát. Na hacmhainní a asbhaintear de bharr na huasteorann sin, athdháiltear iad ar na Ballstáit eile, go comhréireach chuig sciartha neamh-chaidhpeáilte na mBallstát sin;
- g) más leithdháileadh os cionn 0.35 % de OIN an Bhallstáit (arna thomhas in Euro) toradh an ríomh sin, déanfar an leithdháileadh a uasteorannú ag leibhéal 0.35 % de OIN an Bhallstáit. Na hacmhainní a asbhaintear de bharr na huasteorann sin, athdháiltear iad ar na Ballstáit eile, go comhréireach chuig sciartha neamh-chaidhpeáilte na mBallstát sin;
- h) má tá déine cabhrach os cionn EUR 190 in aghaidh an áititheora mar thoradh ar an ríomh dá dtagraítear i bpointe g), déantar leithdháileadh an Bhallstáit sin a uasteorannú ag an leibhéal a fhreagraíonn do dhéine cabhrach EUR 190 in aghaidh an áitritheora. Na hacmhainní a asbhaintear de bharr na huasteorann sin, athdháiltear iad ar na Ballstáit nár cuireadh teorainn lena leithdháileadh faoi phointí g) nó h), go comhréireach chuig sciartha na mBallstát sin mar a ríomhtar i bpointe g).

5. Chun an leithdháileadh réamh-mhaoiniú Chúlchiste Coigeartaithe Brexit a ríomh:

- a) 2015-2018 a bheidh sa tréimhse thagartha le haghaidh luach na n-iasc a ghabhtar i limistéar eacnamaíoch eisiach na Ríochta Aontaithe;
- b) 2015-2018 a bheidh sa tréimhse thagartha le haghaidh luach na n-iasc a ghabhtar i limistéar eacnamaíoch eisiach na Ríochta Aontaithe mar sciar de luach iomlán na n-iasc arna ngabháil ag Ballstát;
- c) 2017-2019 a bheidh sa tréimhse thagartha le haghaidh trádála;
- d) 2017-2019 a bheidh sa tréimhse thagartha le haghaidh OIN;
- e) 2016-2018 a bheidh sa tréimhse thagartha le haghaidh OIN *per capita* (arna thomhas i bpaireachtaí cumhachta ceannaigh);
- f) 2017-2019 a bheidh sa tréimhse thagartha le haghaidh OTI agus dhaonra iomlán na mBallstát.

IARSCRÍBHINN II

Teimpléad le haghaidh iarratas ar ranníocaíocht airgeadais, lena n-áirítear eilimintí a bhaineann leis na cuntais

1.	An Ballstát		
2.	Dáta cur i bhfeidhm		
3.	Dáta an chéad chaiteachais	<i>Dáta tabhaithe</i>	<i>Dáta íoctha</i>
4.	Dáta an chaiteachais dheireanaigh	<i>Dáta tabhaithe</i>	<i>Dáta íoctha</i>
5.	Méid an réamh-mhaoinithe a fuarthas (in EUR)		
6.	Comhlacht atá freagrach as bainistiú na ranníocaíochta as an gCúlchiste An duine freagrach agus feidhm an duine sin Sonraí teagmhála		
7.	Comhlacht iniúchóireachta neamhspleách An duine freagrach agus feidhm an duine sin Sonraí teagmhála		
8.	Tuairisc ghairid ar na limistéir agus na hearnálacha is mó atá buailte agus na bearta freagartha a cuireadh ar bun		

9.	Caiteachas poiblí iomlán arna thabhtú agus arna íoc roimh asbhaintí			
10.	Méideanna arna n-asbhaint ag an mBallstát agus cúiseanna na hasbhainte			
11.	Go háirithe, ó na méideanna arna n-asbhaint (10), na méideanna ceartaithe de thoradh iniúchtaí ar na bearta arna maoiniú			
12.	Caiteachas iomlán a cuireadh isteach le haghaidh ranníocaíocht as an gCúlchiste (EUR) (12 = 9 – 10)			
13.	(San airgeadra náisiúnta) (i gcás inarb infheidhme)	<i>Le haghaidh Ballstát nach n-úsáideann an Euro: athraigh na méideanna uile go Euro ag an ráta malairte oifigiúil atá ann mí amháin roimh an mí a chuirfear an t-iarratas isteach, ráta atá le fáil ar:</i> https://ec.europa.eu/info/funding-tenders/how-eu-funding-works/information-contractors-and-beneficiaries/exchange-rate-infoeuro_en		
14.	Ráta malairte a cuireadh i bhfeidhm			
15.	Miondealú an chaiteachais a cuireadh isteach le haghaidh ranníocaíocht as an gCúlchiste (tabhair liosta de na gníomhaíochtaí aonair a maoiníodh faoi gach beart agus an caiteachas lena mbaineann le haghaidh gach birt) <i>Níor cheart na hábhair chaiteachais a iontráil ach aon uair amháin.</i>	EUR	Airgeadra náisiúnta (más infheidhme)	Táscairí aschuir (tabhair uimhir)
15.1.	Bearta chun cúnamh a thabhairt do ghnólaigh agus pobail áitiúla atá buailte ag an tarraingt siar			Fiontair (a dtacaítear leo) Fiontair a dtacaítear leo (a gcuirtear comhairle orthu)

				An daonra is tairbhí
15.2.	Bearta chun tacú leis na hearnálacha eacnamaíocha is mó atá buailte			Fiontair (a dtacaítear leo) Fiontair a dtacaítear leo (a gcuirtear comhairle orthu)
15.3.	Bearta chun tacú le gnólachtaí agus pobail áitiúla atá ag brath ar ghníomhaíochtaí iascaireachta in uiscí na Ríochta Aontaithe			Fiontair (a dtacaítear leo) Fiontair a dtacaítear leo (a gcuirtear comhairle orthu) An daonra is tairbhí

15.4.	Bearta chun tacú le fostaíocht trí scéimeanna oibre gearr-ama, athsciliú agus oiliúint in earnálacha atá buailte			Rannpháirtithe
15.5.	Bearta chun feidhmiú rialuithe teorann, custaim agus slándála a áirithiú, lena n-áirítear pearsanra breise agus bonneagar			Pearsanra breise (i gcoibhéis lánaimseartha) Bonneagar fisiciúil a cuireadh in oiriúint (m²)
15.6.	Bearta chun feidhmiú custaim agus bailithe cánachais indírigh a áirithiú, lena n-áirítear pearsanra breise agus bonneagar			Pearsanra breise (i gcoibhéis lánaimseartha) Bonneagar fisiciúil a cuireadh in oiriúint (m²)
15.7.	Bearta chun feidhmiú rialuithe sláintíochta agus fiteashláintíochta agus iascach a áirithiú, lena n-áirítear pearsanra breise agus bonneagar			Pearsanra breise (i gcoibhéis lánaimseartha) Bonneagar fisiciúil a cuireadh in oiriúint (m²)
15.8.	Bearta chun deimhnithe agus údarú táirgí, ceanglais bhunaíochta, lipéadú agus marcáil a éascú, mar shampla le haghaidh caighdeán sábháilteachta, sláinte, chomhshaoil, agus aitheantas frithpháirteach			Fiontair (a dtacaítear leo) Fiontair a dtacaítear leo (a gcuirtear

				comhairle orthu)
15.9.	Bearta le haghaidh cumarsáide, faisnéise agus ardú feasachta do shaoránaigh agus gnóilachtaí faoi athruithe ar a gcearta agus a n-oibleagáidí mar gheall ar an tarraingt siar			Fiontair a dtacaítear leo (a gcuirtear comhairle orthu) An daonra arna chumhdach
15.10.	Eile (sonraigh)			
16.	Aon mhaoiniú comhlántach de chuid an Aontais Eorpaigh a fuarthas nó a iarradh le haghaidh caiteachas nach n-áirítear san iarratas seo Tuairisc ghairid / méid (e.g. úsáid mhaoiniú an bheartais chomhtháthaithe/ REACT-EU/JTF/RRF/eile - sonraigh)			
17.	Sonraigh an t-eintiteas dlítheanach agus uimhir iomlán an chuntais bainc agus an sealbhóir i gcás íocaíocht bhreise			
		☐ An cuntas a úsáideadh roimhe seo chun íocaíochtaí an Aontais Eorpaigh a fháil ☐ Cuntas nua		

Teimpléad le haghaidh an dearbhaithe bainistithe a ghabhann leis an iarratas

Dearbhaím/Dearbhaímid a bhfuil mo shonraí/ár sonraí [ainm(neacha), céadainm(neacha), teideal/teidil nó feidhm(eanna)] leis seo thíos, Ceann an chomhlachta atá freagrach as bainistiú na ranníocaíochta airgeadais as an gCúlchiste, bunaithe ar chur chun feidhme an Chúlchiste le linn na tréimhse tagartha, bunaithe ar mo bhreithiúnas féin/ár mbreithiúnas féin agus ar gach eolas atá ar fáil dom/dúinn ar an dáta a cuireadh an t-iarratas faoi bhráid an Choimisiúin, lena n-áirítear na torthaí ó na fíoruithe a rinneadh agus ó iniúchtaí i ndáil leis an gcaiteachas atá san áireamh san iarratas a cuireadh faoi bhráid an Choimisiúin i leith na tréimhse tagartha, agus m' oibleagáidí/ár n-oibleagáidí faoin Rialachán seo á gcur san áireamh, leis seo:

- (a) go bhfuil an fhaisnéis san iarratas curtha i láthair i gceart, iomlán agus cruinn i gcomhréir le hAirteagal 63 den Rialachán Airgeadais,
- (b) go gcomhlíonann an caiteachas a iontráladh san iarratas an dlí is infheidhme agus gur úsáideadh é don chuspóir a bhí beartaithe dó,

Dearbhaím/Dearbhaímid gur caitheadh go hiomchuí san iarratas le neamhrialtachtaí a sainaithníodh sna tuarascálacha deiridh iniúchóireachta agus rialaithe i ndáil leis an tréimhse thagartha. Ina theannta sin, dearbhaím/dearbhaímid iontaofacht na sonraí a bhaineann le cur chun feidhme an Chúlchiste. Dearbhaím/Dearbhaímid freisin go bhfuil bearta éifeachtacha comhréireacha frithchalaoise i bhfeidhm agus go gcuirtear san áireamh sna bearta sin na rioscaí a aithníodh ina leith sin.

Ar deireadh, dearbhaím/dearbhaímid nach bhfuil mé/muid ar an eolas faoi aon ábhar nár nochtadh a bhaineann le cur chun feidhme an Chúlchiste a d'fhéadfadh dochar a dhéanamh do chlú an Chúlchiste.

Teimpléad le haghaidh na tuairime iniúchóireachta a ghabhfaidh leis an iarratas

Le haghaidh an Choimisiúin Eorpaigh, Ard Stiúrthóireacht an Bheartais Réigiúnaigh agus Uirbigh

1. RÉAMHRÁ

Tá iniúchadh déanta agamsa, a bhfuil m'ainm leis seo thíos, thar ceann [ainm an chomhlachta iniúchóireachta neamhspleách]

- (i) ar na heilimintí a bhaineann leis na cuntais san iarratas le haghaidh na tréimhse tagartha,
- (ii) ar dhlíthiúlacht agus rialtacht an chaiteachais ar iarradh aisíocaíocht ar an gCoimisiún ina leith, agus
- (iii) ar fheidhmiú an chórais bhainistithe agus rialaithe, agus tá fíorú déanta agam ar an dearbhú bainistithe, chun tuairim iniúchóireachta a eisiúint.

2. FREAGRACHTAÍ AN CHOMHLACHTA ATÁ FREAGRACH AS BAINISTIÚ NA RANNÍOCAÍOCHTA AIRGEADAIS AS AN gCÚLCHISTE

Sainithnítear [ainm an chomhlachta], mar an comhlacht atá freagrach as dea-fheidhmiú an chórais bhainistithe agus rialaithe a áirithiú i ndáil leis na feidhmeanna agus na cúraimí dá bhforáiltear in Airteagal 13.

Ina theannta sin, tá [ainm an chomhlachta] freagrach as iomláine, cruinneas agus fírinneacht an iarratais a áirithiú agus a dhearbhu.

Thairis sin, is é an t-údarás bainistíochta atá freagrach as a dheimhniú go bhfuil an caiteachas a iontráladh san iarratas dlíthiúil agus rialta agus go gcomhlíonann sé an dlí is infheidhme.

3. FREAGRACHTAÍ AN CHOMHLACHTA INIÚCHÓIREACHTA NEAMHSPLEÁCH

De réir mar a bhunaítear le hAirteagal 63 den Rialachán Airgeadais, is é an fhreagracht atá ormsa tuairim a chur in iúl go neamhspleách maidir le hiomláine, cruinneas agus fírinneacht na n-eilimintí a bhaineann leis na cuntais san iarratas, maidir le dlíthiúlacht agus rialtacht an chaiteachais ar iarradh aisíocaíocht ar an gCoimisiún ina leith, agus maidir le dea-fheidhmiú an chórais bhainistithe agus rialaithe a cuireadh i bhfeidhm.

Tá freagracht orm freisin ráiteas a chur san áireamh sa tuairim maidir le cé acu a chaitheann nó nach gcaitheann an obair iniúchóireachta a rinneadh amhras ar na dearbhuithe a rinneadh sa dearbhú bainistithe.

Rinneadh na hiniúchtaí i ndáil leis an gCúlchiste i gcomhréir le caighdeáin iniúchóireachta a bhfuil glacadh leo go hidirnáisiúnta. Ceanglaítear faoi na caighdeáin sin go gcomhlíonfaidh an t-údarás iniúchóireachta ceanglais eitice agus go ndéanfaidh sé an obair iniúchóireachta a phleanáil agus a dhéanamh chun dearbhú réasúnta a fháil chun críoch na tuairime iniúchóireachta.

Is é atá i gceist le hiniúchadh nósanna imeachta a dhéanamh chun fianaise leordhóthanach iomchuí a fháil chun tacú leis an tuairim a leagtar amach thíos. Bíonn na nósanna imeachta a dhéantar ag brath ar bhreithiúnas gairmiúil an iniúcháir, lena n-áirítear measúnú ar an riosca neamh-chomhlíonadh ábhartha, bíodh sin i ngeall ar chalaois nó earráid. Is iad na

nósanna imeachta a rinneadh na cinn a chreidim a bheith iomchuí sna cúinsí agus tá siad i gcomhréir le ceanglais an Rialacháin Airgeadais.

Creidim go bhfuil fianaise an iniúchta a bailíodh leordhóthanach iomchuí le bonn a thabhairt do mo thuairim, [[i gcás ina bhfuil aon teorainn ar an raon ann:] seachas i gcás ina luaitear sin i bpointe 4 ‘Teorainn ar an raon’].

Tá tuairisciú ar an achoimre ar thorthaí na n-iniúchtaí i ndáil leis an gCúlchiste sa tuarascáil iniata i gcomhréir le pointe (b) d’Airteagal 63(5) den Rialachán Airgeadais.

4. TEORAINN AR AN RAON

Ceann amháin díobh seo a leanas

Ní raibh aon teorainn ar raon an iniúchta.

Nó

Bhí raon an iniúchta teoranta ag na fachtóirí seo a leanas:

(a) ...

(b) ...

(c)

[Cuir aon teorainn ar raon an iniúchta in iúl, mar shampla aon doiciméadacht tacaíochta a bheith ar lár, cásanna a bhfuil imeachtaí dlí ar siúl ina leith, agus tabhair meastachán faoi ‘Tuairim choinníollach’ thíos, ar na méideanna den chaiteachas agus den ranníocaíocht as an gCúlchiste a ndéantar difear dó agus tionchar na teorann ar an raon ar an tuairim iniúcháireachta. Tabharfar tuilleadh mínithe ar an ábhar seo sa tuarascáil, de réir mar is iomchuí.]

5. TUAIRIM

Ceann amháin díobh seo a leanas (Tuairim neamhchoinníollach)

I mo thuairim, agus bunaithe ar an obair iniúcháireachta a rinneadh:

(i) tugann na heilimintí a bhaineann leis na cuntais san iarratas seasamh fíor agus cothrom;

(ii) tá an caiteachas atá san áireamh san iarratas dleathach agus rialta,

(iii) tá an córas bainistithe agus rialaithe ag feidhmiú i gceart.

Ní chaitheann an obair iniúcháireachta a rinneadh amhras ar na dearbhuithe a rinneadh sa dearbhú bainistithe.

Nó (Tuairim choinníollach)

I mo thuairim, agus bunaithe ar an obair iniúcháireachta a rinneadh,

1) Na heilimintí a bhaineann leis na cuntais san iarratas

- tugann na heilimintí a bhaineann leis na cuntais san iarratas seasamh fíor agus cothrom [i gcás ina bhfuil feidhm ag an gcoinníoll maidir leis an iarratas, cuirtear an téacs seo a leanas isteach:] ach amháin maidir leis na gnéithe ábhartha seo a leanas:.....

2) Dlíthiúlacht agus rialacht an chaiteachais atá san áireamh san iarratas

- tá an caiteachas atá san áireamh san iarratas dleathach agus rialta [i gcás ina bhfuil feidhm ag an gcoinníoll maidir leis an iarratas, cuirtear an téacs seo a leanas isteach:] ach amháin maidir leis na gnéithe seo a leanas:

Tá tionchar an choinníll teoranta [nó suntasach] agus freagraíonn sé do ... (méid in EUR den mhéid iomlán caiteachais)

3) An córas bainistithe agus rialaithe atá i bhfeidhm amhail dáta na tuairime iniúchóireachta seo

- tá an córas bainistithe agus rialaithe a cuireadh i bhfeidhm ag feidhmiú i gceart [i gcás ina bhfuil feidhm ag an gcoinníoll maidir leis an gcóras bainistithe agus rialaithe, cuirtear an téacs seo a leanas isteach:] ach amháin maidir leis na gnéithe seo a leanas:

Tá tionchar an choinníll teoranta [nó suntasach] agus freagraíonn sé do ... (méid in EUR den mhéid iomlán caiteachais)

Caitheann/ní chaitheann [scrios de réir mar is iomchuí] an obair iniúchóireachta a rinneadh amhras ar na dearbhuithe a rinneadh sa dearbhú bainistithe.

[I gcás ina gcaitheann an obair iniúchóireachta a rinneadh amhras ar na dearbhuithe a rinneadh sa dearbhú bainistithe, nochtfaidh an t-údarás iniúchóireachta san alt seo na gnéithe a bhí mar bhunús le teacht ar an gconclúid sin.]

Nó (Tuairim neamhfhabhrach)

I mo thuairim, agus bunaithe ar an obair iniúchóireachta a rinneadh:

- tugann/ní thugann [scrios de réir mar is iomchuí] na heilimintí a bhaineann leis na cuntais san iarratas seasamh fíor agus cothrom; agus/nó
- is/ ní [scrios de réir mar is iomchuí] caiteachas dlíthiúil rialta é an caiteachas san iarratas ar iarradh aisíocaíocht ón gCoimisiún ina leith; agus/nó
- d'fheidhmigh/níor fheidhmigh [scrios de réir mar is iomchuí] mar is ceart an córas bainistithe agus rialaithe a cuireadh i bhfeidhm.

Tá an tuairim neamhfhabhrach seo bunaithe ar na gnéithe seo a leanas:

- i ndáil le hábhair ábhartha a bhaineann leis an iarratas: [sonraigh]

agus/ nó [scrios de réir mar is iomchuí]

- i ndáil le hábhair ábhartha a bhaineann le dlíthiúlacht agus rialacht an chaiteachais san iarratas ar iarradh aisíocaíocht ón gCoimisiún ina leith: [sonraigh] agus/nó [scrios de réir mar is iomchuí]

- i ndáil le hábhair ábhartha a bhaineann le feidhmiú an chórais bhainistithe agus rialaithe: [sonraigh]

Caitheann an obair iniúcháireachta a rinneadh amhras ar na dearbhuithe a rinneadh sa dearbhú bainistithe, maidir leis na gnéithe seo a leanas:

[Féadfaidh an t-údarás iniúcháireachta béim ar ábhar a chur san áireamh freisin, béim nach n-imreoidh tionchar ar a thuairim, mar a bhunaítear leis na caighdeáin iniúcháireachta a bhfuil glacadh leo go hidirnáisiúnta. Is féidir séanadh tuairime a thabhairt i gcásanna eisceachtúla.]

Dáta: Síniú:

IARSCRÍBHINN III

Teimpléad don tuairisc ar an gcóras bainistithe agus rialaithe

1. GINEARÁLTA

1.1. Faisnéis arna cur isteach ag:

- Ballstát:
- Ainm agus seoladh ríomhphoist an phríomhphointe teagmhála (an comhlacht atá freagrach as an tuairisc):

1.2. Leis an bhfaisnéis arna soláthar tugtar tuairisc ar an staid maidir leis na nithe seo a leanas: (ll/mm/bbbb)

1.3. Struchtúr an chórais (faisnéis ghinearálta agus sreabhchairt a léiríonn an gaol eagraíochtúil idir na comhlachtaí a bhfuil baint acu leis an gcóras bainistithe agus rialaithe)

- a) Comhlacht atá freagrach as bainistiú an Chúlchiste (ainm, seoladh agus pointe teagmhála sa chomhlacht):
- b) An comhlacht iniúcháireachta neamhspleách (ainm, seoladh agus pointí teagmhála sa chomhlacht):
- c) Sonraigh conas a áirítear urramú phrionsabal na deighilte feidhmeanna idir na comhlachtaí.

2. AN COMHLACHT ATÁ FREAGRACH AS BAINISTIÚ AN CHÚLCHISTE

2.1. An comhlacht agus a phríomhfheidhmeanna

- a) Stádas an chomhlachta a bhainistíonn an Cúlchiste (comhlacht náisiúnta nó réigiúnach) agus an chomhlachta ar cuid de é.
- b) Creat chun a áirithiú go ndéanfar beart cuí maidir le bainistiú riosca nuair is gá sin, agus go háirithe i gcás athruithe móra ar an gcóras bainistithe agus rialaithe.

2.2. Tuairisc ar an eagraíocht agus ar na nósanna imeachta a bhaineann le feidhmeanna agus cúraimí an chomhlachta a bhainistíonn an Cúlchiste

- a) Tuairisc ar na feidhmeanna, agus na cúraimí arna ndéanamh ag an gcomhlacht a bhainistíonn an Cúlchiste.
- b) Tuairisc ar an gcaoi a n-eagraítear an obair agus ar na nósanna imeachta a chuirfear i bhfeidhm go háirithe agus fíoruithe á ndéanamh (fíoruithe riaracháin agus fíoruithe ar an láthair) agus chun a áirithiú go mbeidh rian soiléir iniúcháireachta ann maidir leis na doiciméid uile a bhaineann leis an gcaiteachas.
- c) Eolas táscach faoi na hacmhainní beartaithe a leithdháilfear i ndáil le feidhmeanna difriúla an chomhlachta a bhainistíonn an Cúlchiste (faisnéis maidir le seachfhoinsiú ar bith atá beartaithe agus a raon feidhme san áireamh, i gcás inarb iomchuí).

3. COMHLACHT INIÚCHÓIREACHTA NEAMHSPLEÁCH

Stádas agus tuairisc ar an eagraíocht agus ar na nósanna imeachta a bhaineann le feidhmeanna an chomhlachta iniúchóireachta neamhspleách

- a) Stádas an chomhlachta neamhspleách (comhlacht náisiúnta nó réigiúnach) agus an chomhlachta ar cuid de é, i gcás inarb ábhartha.
- b) Tuairisc ar na feidhmeanna agus na cúraimí arna ndéanamh ag an gcomhlacht iniúchóireachta neamhspleách
- c) Tuairisc ar an gcaoi a n-eagraítear an obair (sreafaí oibre, próisis, rannóga inmheánacha), na nósanna imeachta atá i bhfeidhm agus cá huair a bhíonn feidhm leo, conas a dhéantar maoirseacht orthu sin, eolas tascach faoi na hacmhainní beartaithe a leithdháilfear i ndáil leis na cúraimí iniúchóireachta éagsúla.

4. AN CÓRAS LEICTREONACH

Tuairisc ar an gcóras leictreonach nó ar na córais leictreonacha a chuimsíonn sreabhchairt (córas ar líonra comónta nó lárnach nó córas díláraithe le naisc idir na córais) le haghaidh na nithe seo a leanas:

- a) Sonraí a thaifeadadh agus a stóráil, i bhfoirm leictreonach, faoi gach beart arna mhaoiniú as an gCúlchiste, lena n-áirítear:
 - ainm an fhaighteora agus méid na ranníocaíochta airgeadais as an gCúlchiste;
 - ainm an chonraitheora agus an fhoichonraitheora, i gcás inarb údarás conarthach an faighteoir i gcomhréir leis an bhforáil Aontais nó náisiúnta maidir le soláthar poiblí agus luach an chonartha;
 - céadainm, sloinne agus dáta breithe an úinéara thairbhiúil, mar a shainmhínítear in Airteagal 3(6) de Threoir (AE) 2015/849 ó Pharlaimint na hEorpa agus ón gComhairle¹, an fhaighteora, an chonraitheora nó an fhoichonraitheora dá dtagraítear sa chéad fhleasc agus dara fleasc den phointe sin;
 - nuair is iomchuí, sonraí faoi rannpháirtithe aonair.
- (b) A áirithiú go ndéantar taifid chuntasaíochta do gach beart arna mhaoiniú as an gCúlchiste a thaifeadadh agus a stóráil, agus go dtacaíonn na taifid sin leis na sonraí is gá chun an t-iarratas ar ranníocaíocht a ullmhú.
- (c) Taifid chuntasaíochta a choinneáil ar bun maidir le caiteachas a thabhaítear agus a íoctar.
- (d) Sonraigh cibé an bhfuil na córais ag feidhmiú go héifeachtach nó nach bhfuil agus an féidir leo na sonraí a thaifeadadh go hiontaofa ar an dáta a leagtar amach i bpointe 1.2.
- (e) Tuairisc a dhéanamh ar na nósanna imeachta chun slándáil, sláine agus rúndacht na gcóras leictreonach a áirithiú.

¹ Treoir (AE) 2015/849 ó Pharlaimint na hEorpa agus ón gComhairle an 20 Bealtaine 2015 maidir le cosc a chur le húsáid an chórais airgeadais le haghaidh sciúradh airgid nó mhaoiniú na sceimhlitheoireachta (IO L 141, 5.6.2015, lch. 73).